

INUIT ATAQATIGIIT

INATSISARTUNI



UKA2024/44

16. Oktober 2024

Kristian Jeremiassen

Uunga siunnersuut: Illuliortiternernut aningaasalersuineq pillugu inatsisip allanngortinnissaa pillugu Inatsisartut Inatsisaat (Tulleriaarinissamut uppernarsaaneq, sanaartortitsinernut naatsorsuutit, kaaviiartitsinissamut inerteqqut, piffissaq sioqqullugu taarsigassarsianik akiliineq il.il.)

(Ineqarnermut Attaveqaasersuutinullu Naalakkersuisoq)

Siullermeerneqarnera

Inissiat aserfallassimapput qanorlu iliuuseqarnissaq pisariaqarpoq taamaattumik ullumikkornit pitsaanerusumik inatsisitigut sinaakkuteqartariaqarpugut taamaaliornikkut siunissami ineqarnikkut ajornartorsiutit annertunerusut pileq-qunangit.

Inatsimmi erseqqissaanerit maluginiakkagut Inuit Ataqatigiinniillu saqqummiuk-kusutagut ukuupput pitsasutut isigisagut:

Siullertut:

Taarsigassarsilluni inissiamik pissarsisimaneq najugaqarfissatut atorneqassasoq suliffeqarfittuunngittoq kisiannili annikittumik inuutissarsiutinut kinguliini taasassatsinnut Inuit Ataqatigiit maluginiagaqarpugut illu atorneqarsinnaasoq

INUIT ATAQATIGIIT

INATSISARTUNI



annerusumik pinnagu ukununnga: kukkunersiuinermi allaffik mikinerusoq imaluunniit ussassaarinermi allaffik, tassani sullitatut atassuteqarfigisat illumiiit anisarlutik, ulluunerani paaqqinnittooq namminersortoq imaluunniit isikkanik passussisorlu. Taakkua inatsisisami saqqummiunneqartut Inuit Ataqatigiit naammangisimaarparput tassami taarsingassarsilluni illusinermi siunertaavoq inuit namminneq angerlarsimaffimmik pingisaqalernissaat.

Inuutissarsiutitullu annikinnerusumik atuinissamik periarfissaqartitsineq sulif- feqarfinnik immikkoortitsinertut Inuit Ataqatigiit isiginngilarput tassami inatsimi pineqarami inuit nammineq illumik pigisaqarnissaat.

Aappaattut oqaatingerusutarput unaavoq inatsimmi pitsangorsaanermi kommunalbestyrelse piginnaatinneqarmat nutarterinissamut taarsingassar- sititsinissamullu tunniussinissamut piginnaatinneqarnera.

Ineqarnermi unammillingassat amerlapput iliuuseqarfingineqartariaqarlutik taamaattorli akissaatikinnerusunut eqquinnginnissamut ineqarnermut aaqqis- suusseqqinnermi boligsikring-i aamma inatsisitigut iluarsaaffingineqarnissaa iluarisimaarparput pisariaqartutullu isigalugu ineqarnermut aaqqissusseqqin- nissamut pilersaaruteqarnissat ullumikkutuinnaq ingerlasoqarsinnaanngimmat.

Inatsisisamut tunngasoq uterfingeqqilaariartigu: ersarissaaneq aammalu inatsimmik pitsangorsaaneq saqqummiunneqartoq inuiaqatigiinnut iluaqutaas- saaq taamaamat siunnersuut manna Inuit Ataqatigiit akuerivarput partiillu akornanni pisariaqartinneqarpat sanaartornermut ataatsimiitaliami ingerlateq- qinneqarnissaa ammaffigalugu.

Qujanaq.